



**VOYAGA YETMAGANLAR HUQUQBUZARLIGINING  
PROFILAKTIKASIDA UMUMTA'LIM MAKTAB  
PSIXOLOGLARNING O'RNI**

***Jumayev Hamza Xasanovich***

*Navoiy viloyati Nurota tuman MMTBga qarashli*

*11-umumiy o'rta ta'lif maktabi psixologi*

**Annotatsiya.** Jamiyat hayotining turli sohalarida inson omili ustun hisoblanadi, ayniqsa, unda voyaga yetmaganlarning haq-huquqlarini himoya qilish, ularning ilmiy, ijodiy, intellektual salohiyatini yuksaltirishga asosiy vazifalardan biri sifatida qaraladi. Maqolada voyaga yetmaganlar huquqbazarligi profilaktikasi borasida umumta'lif maktablarining o'rni va ahamiyati o'rganib tahlil qilinadi.

**Kalit so'zlar:** huquqbazarlik, g'ayriijtimoiy hatti-harakatlar, deviant xulqatvor, yakka tartibdagi profilaktika, maxsus profilaktika, nazoratsiz bola, bola reabilitatsiyasi, ijtimoiy pedagog.

Davlatimiz yoshlar masalasini davlat siyosati darajasiga ko'tarib, bugungi kunda aholining yoshlar qatlampiga oid islohotlarni to'la-to'kis amalga oshirib kelmoqda. Yoshlarni har tomonlama qo'llab-quvvatlash, ularning huquq va erkinliklarini ta'minlash, yoshlarga oid qonun hujjatlarini takomillashtirish kabi vazifalar bilan bir qatorda voyaga yetmaganlar huquqbazarligining oldini olish masalasi ham dolzarb vazifalar qatoridan joy oldi. Huquqbazarliklarning oqibati bilan emas, balki uning kelib chiqishi sabablarini aniqlash profilaktika ishlarini olib borishning samaradorligini oshirishga asos bo'ladi. Voyaga yetmaganlar huquqbazarligi profilaktikasi masalasi faqatgina bir tashkilot zimmasidagi vazifa bo'lib qolmasdan, bu yo'nalishda tizimli faoliyatni olib borish maqsadga muvofiq bo'lishi haqida

Prezidentimiz Sh.M.Mirziyoyev —Davlat idoralari aksariyat hollarda huquqbazarliklar profilaktikasini faqatgina huquqni muhofaza qiluvchi organlarning vazifasi sifatida baholab, oqibatda ushbu faoliyatga lozim darajada e'tibor qaratmayapti, deb ta'kidlagan. Shu bilan birgalikda, voyaga yetmaganlar tomonidan sodir etiladigan huquqbazarliklar sonining ortishi, o'smirlar o'rtasida deviant xulqning ommalashuvi kabi holatlar huquqbazarlik profilaktikasi masalasida jamiyatning barcha institutlari tizim sifatida o'zaro hamkorlikda faoliyat olib borishini taqozo etmoqda. Ushbu tizimning o'ziga xos subyekti sifatida umumta'lif maktablari jamiyatdagi asosiy ta'lif-tarbiya manbai bo'lib qolmay, huquqbazarlik profilaktikasi vositasi ham



sanaladi. O‘zaro hamkorlik asosida tashkil etilgan faoliyat huquqbazarlik sodir etish havfi ostidagi voyaga yetmagan shaxslarni har tomonlama o‘rganish va amaliy yordam ko‘rsatishga imkon beradi.

2010-yil 29 sentabrda qabul qilingan —Voyaga yetmaganlar o‘rtasida nazoratsizlik va huquqbazarliklarning profilaktikasi to‘g‘risida qonunning 2-bob 8-moddasiga ko‘ra —Voyaga yetmaganlar o‘rtasida nazoratsizlik va huquqbazarliklarning profilaktikasini amalga oshiruvchi organlar hamda muassasalar tizimiga quyidagilar kiradi:

- Voyaga yetmaganlar ishlari bo‘yicha idoralararo komissiyalar;
- Ichki ishlar organlari;
- Ta‘limni boshqarish organlari va ta‘lim organlari;
- Vasiylik va homiylik organlari;
- Sog‘lijni saqlashni boshqarish organlari va sog‘lijni saqlash muassasalari;
- Mehnat organlari, deb belgilangan. Yakka tartibdagi profilaktika ishi — ijtimoiy jihatdan xavfli ahvolda bo‘lgan voyaga yetmaganlar va oilalarni o‘z vaqtida aniqlash, shuningdek ularni ijtimoiypedagogik reabilitatsiya qilish hamda voyaga yetmaganlarning huquqbazarliklar yoki boshqa g‘ayriijtimoiy xatti-harakatlar sodir etishining oldini olishga doir faoliyatdir.

Huquqbazarlik sodir etgan yoki xulqiy og‘ishlari ijtimoiy havf ehtimolini yuzaga keltiradigan voyaga yetmaganlar umumta‘lim maktablarining ichki nazoratiga olinishi belgilangan. Bunday o‘quvchilar qatoriga ta‘lim muassasalaridagi mashg‘ulotlarga uzrli sabablarsiz kelmayotgan va muntazam ravishda qatnashmayotgan o‘quvchilar, ma‘muriy huquqbazarlik sodir etganlar, notinch oila farzandlari, tarbiyasi og‘ir bolalar, ta‘lim muassasalariga o‘tkir tig‘li ta‘qilangan buyumlarni olib kelgan yoki olib kirishga uringan o‘quvchilar va ijtimoiy havfli hattiharakatlarni sodir etgan voyaga yetmaganlar kiradi. Umumta‘lim maktablarida yakka tartibda ishlashda huquqbazarlik sodir etish ehtimoli bo‘lgan yoki qayta sodir etish ehtimoli bo‘lgan bola barcha profilaktik tadbirlarning markazida bo‘ladi. O‘quvchilar bilan yakka tartibda profilaktik tadbirlarni olib boruvchi mas‘ul xodim sifatida sinf rahbari, yoshlar yetakchisi, maktab psixologi, tajribali o‘qituvchilardan bir nafari (zarur hollarda bir necha nafar) bo‘lishi mumkin.

O‘quvchilar mifik ichki nazoratiga uch, olti, to‘qqiz oy va bir yil muddatga olinadi, ushbu muddat o‘quvchining xulqida ijobiy o‘zgarishlar sodir bo‘lgunga qadar uzaytirilishi mumkin. Mas‘ul xodimlar bolaning davomati, o‘zlashtirish ko‘rsatkichlarini nazorat qilish, u bilan suhbatlar o‘tkazish, bolaga turli sohada maslaxat va yordam berish, bolaning oilasi bilan muntazam aloqa qilish, bolani o‘zi qiziqqan to‘garakka biriktirish va boshqalarni amalga oshiradilar.



Profilaktik tadbirlar jarayonida bolani profilaktikaning to‘liq obyetiga aylantirmasdan, barcha jarayonlarda u bilan birgalikda ishtirok etish va profilaktika subyektlari (maktab, jamoat tashkilotlari, oila, davlat organlari, jamiyat) hamkorligi to‘g‘ri yo‘lga qo‘yilgan bo‘lishi kerak.

Xulosa qilib aytadigan bo‘lsak, voyaga yetmaganlar huquqbuzarligi profilaktikasi bo‘yicha umumta‘lim maktablarida quyidagi ishlarni amalga oshirish maqsadga muvofiq bo‘lardi:

- Umumta‘lim maktablarida psixologlarning malakasini muntazam oshirib borish va ular uchun ta‘lim muassasasi hududida alohida xona ajratish.
- Maktab yoshlar yetakchilari shtatiga qo‘shimcha ish o‘rnini ajratish.
- Maktablardagi profilaktik ishlarga ijtimoiy ishchilarni jalb qilish. Bunda huquqbuzarlik sodir etish havfi ostidagi o‘quvchi bilan birgalikda ularning oilasi bilan ishslash imkoniyati kengayadi.
- Umumta‘lim maktablarida o‘tiladigan huquq darslarida muammoli vaziyatlardan ishslash amaliyotini kengaytirish. Bunda o‘quvchilar nazariy bilimlar bilan birga amaliy tajribani uyg‘unlashtirish imkoniga ega bo‘lishadi.
- Maktab psixologi bilan birgalikda maktab ichki nazoratiga olingan o‘quvchilarning qobiliyati va qiziqishlarini aniqlash hamda ularni to‘garaklarga, seminarlarga jalb qilish amaliyotini takomillashtirish.

O‘quvchilarning genogramma va ekoxaritasini tuzishni yo‘lga qo‘yish. Bunda o‘quvchilarning oila a‘zolari va oila bilan aloqada bo‘lgan tashkilotlar haqida yetarlicha ma‘lumot olish imkoniyati yaratiladi.

### **FOYDALANILGAN ADABIYOTLAR**

1. Sh.M. Mirziyoyev. 2017-yil 4-mart kuni qabul qilingan —Huquqbuzarliklar profilaktikasi va jinoyatchilikka qarshi kurashish tizimini yanada takomillashtirish chora-tadbirlari to‘g‘risida<sup>1</sup>gi 2833- sonli Prezident qarori. <https://lex.uz/docs/3141186>

2. O‘zbekiston Respublikasining 2010-yil 29-sentabrdagi —Voyaga yetmaganlar o‘rtasida nazoratsizlik va huquqbuzarliklarning profilaktikasi to‘g‘risida<sup>2</sup>gi qonunning 8-moddasi. O‘zbekiston Respublikasi qonun hujjatlari to‘plami.-T.,2010., - №39.

3. Костекова К.А. «Роль социального педагога в профилактике правонарушений в подростковой среде». <https://infourok.ru/rol-socialnogo-pedagoga-v-profilaktike-pravonarusheniy-podrostkovoy-srede-3776595.html>

4. Старцева-Тарасова Валерия Ивановна. Социальная работа общеобразовательной школы как средство профилактики правонарушений подростков. Ставропол-2005.